



Mennta- og
starfspróunarsegur
lögreglu



Háskólinn
á Akureyri

INNTÖKUFERLI NEMENDA Í LÖGREGLUFRÆÐINÁM FYRIR VERÐANDI LÖGREGLUMENN HJÁ HÁSKÓLANUM Á AKUREYRI

INNTAKA HAUSTIÐ 2025



1. INNGANGUR

Til að hljóta starfsréttindi sem lögreglumaður þarf að ljúka lögreglufræðinami fyrir verðandi lögreglumenn, sem kennt er við Háskólann á Akureyri. Hluti námsins eru námskeiðin *Starfsnám í lögreglufræði I-IV* þar sem öll sértæk kennsla og þjálfun er tengist lögreglu fer fram, s.s. í notkun landskerfa lögreglu, skýrsluskriða, valdbeitingu lögreglu, akstri með forgangi og starfsþjálfun hjá lögregluembættum. Í 1. mgr. 38. gr. lögreglulaga nr. 90/1996 kemur fram að mennta- og starfsþróunarsetur lögreglu (MSL) annist inntöku nemenda í starfsnám í samstarfi við háskóla. Einnig kemur fram að ákvörðun setursins á umsækjendum í starfsnám sé endanleg. Þetta þýðir að til að vera samþykktur í lögreglufræðinám fyrir verðandi lögreglumenn þurfa umsækjendur að standast þær kröfur sem gerðar eru í lögum og reglugerðum varðandi starfsnám.

Mennta- og starfsþróunarsetur lögreglu byggir inntöku sína á lögum og reynslu annarra þjóða á inntöku í lögregluskóla, s.s. norðurlandanna.

Í 2. mgr. 7. gr. reglugerðar nr. 221 frá árinu 2017 um mennta- og starfsþróunarsetur lögreglu er fjallað nánar um inntöku á nemendum í starfsnám. Þar segir:

Mennta- og starfsþróunarsetur lögreglu skal leitast við að velja til starfsnáms þá hæfustu úr hópi umsækjenda á hverjum tíma. Einkum skal þess gætt að velja ekki til starfsnáms einstakling sem ætla má að eigi erfitt með að sinna lögreglustarfi svo að vel fari, svo sem vegna óreglusemi, fjárhagsvanda eða vegna þess að hann hefur hlotið dóm fyrir brot á sérrefsilöggjöf. Mennta- og starfsþróunarsetur lögreglu skal fyrst meta hverjir umsækjenda eru hæfir og uppfylla almenn inntökuskilyrði. Þá getur setrið látið hæfa umsækjendur undirgangast inntökupróf og önnur próf sem rétt þykir að framkvæma. Mennta- og starfsþróunarsetur lögreglu getur að auki óskað eftir frekari gögnum frá umsækjendum, eða um þá, og að þeir sæti sérstakri læknisskoðun. Umsækjandi ber kostnað af umsókn um starfsnám.

Við inntöku á umsækjendum í lögreglufræðinám fyrir verðandi lögreglumenn þarf að hafa í huga að slíkar ákvarðanir eru stjórnvaldsákvarðanir í skilningi stjórnsýslulaga. Málsmeðferð skal vera vönduð og í samræmi við ákvæði laga og reglugerða sem um það gilda. Leitast er við að mat á umsækjendum sé fjölbreytt, fagmannlegt, sanngjarnt og gegnsætt ferli þar sem lögð eru til grundvallar gagnreyndar aðferðir sem endurspeglar þá færniþætti sem starf lögreglumanns krefst.

Lög, reglugerðir og annað sem reynt getur á

- Stjórnarskrá Lýðveldisins Íslands nr. 33/1944, einkum 20. gr.
- Lög um réttindi og skyldur starfsmanna ríkisins nr. 70/1996.
- Stjórnsýslulög nr. 37/1993, einkum 8., 10., 11., 13. og 22. gr.
- Lögreglulög nr. 90/1996.
- Reglugerð um mennta- og starfsþróunarsetur lögreglu nr. 221/2017.
- Reglugerð um starfsstig innan lögreglunnar nr. 1051/2006.
- Upplýsingalög nr. 140/2012, einkum 7. gr. og 1. mgr. 27. gr.
- Lög um jafna stöðu og jafnan rétt kynjanna nr. 150/2020 (jafnréttislög), einkum 12. og 19. gr.
- Álit Umboðsmanns Alþingis.
- Dómar.
- Verklagsreglur ríkislögreglustjóra.

2.0 Inntaka starfsnema

2.1 Inntökuskilyrði

Í 1. mgr. 38. gr. lögregluglaga nr. 90/1996 er kveðið á um hvaða almennu skilyrði umsækjendur í starfsnám skulu fullnægja. Þar segir:

Nemar í starfsnámi skulu fullnægja eftirtöldum almennum skilyrðum:

- a. vera íslenskir ríkisborgarar, 19 ára á inntökuári eða eldri,
- b. hafa ekki gerst brotlegir við refsilög, þetta gildir þó ekki ef brot er smávægilegt eða langt er um liðið frá því að það var framið, né hafa sýnt af sér háttsemi sem getur rýrt það traust sem lögreglumenn verða almennt að njóta,
- c. vera andlega og líkamlega heilbrigðir og standast læknisskoðun trúnaðarlæknis samkvæmt fyrirbyggjandi kröfum sem mennta- og starfsþróunarsetur lögreglu setur reglur um í samstarfi við háskóla,
- d. hafa lokið stúdentsprófi eða annarri sambærilegri menntun,
- e. samkvæmt nánari kröfum sem ráðherra setur með reglugerð, á grundvelli tillagna frá mennta- og starfsþróunarsetri lögreglu, m.a. um menntun, starfsþjálfun, tungumálakunnáttu og líkamlega færni.

Í 6. gr. reglugerðar nr. 221 frá árinu 2017 um mennta- og starfsþróunarsetur lögreglu er kveðið nánar um skilyrðin. Þar segir m.a.:

Nemar í starfsnámi skulu fullnægja eftirtöldum almennum skilyrðum:

- a. vera íslenskir ríkisborgarar, 19 ára á inntökuári eða eldri,
- b. hafa ekki gerst brotlegir við refsilög, þetta gildir þó ekki ef brot er smávægilegt eða langt er um liðið frá því að það var framið, né hafa sýnt af sér háttsemi sem getur rýrt það traust sem lögreglumenn verða almennt að njóta,
- c. vera andlega og líkamlega heilbrigðir og standast læknisskoðun trúnaðarlæknis samkvæmt fyrirbyggjandi kröfum sem mennta- og starfsþróunarsetur lögreglu setur reglur um,
- d. hafa lokið stúdentsprófi eða sambærilegri menntun,
- e. hafa staðist kröfur um þrek og styrk skv. viðmiðum sem mennta- og starfsþróunarsetur setur,
- f. hafa gild almenn ökuréttindi.

2.2 Sakavottorð

Í 2. mgr. 38. gr. lögregluglaga nr. 90/1996 kemur fram að til að staðreyna hvort viðkomandi uppfylli skilyrði b-liðar 1. mgr. er mennta- og starfsþróunarsetri lögreglu heimilt að afla upplýsinga úr sakaskrá og málaskrá lögreglu.

Mennta- og starfsþróunarsetri lögreglu er heimilt að setja sér verklagsreglur þar sem fram koma þau viðmið sem stuðst er við þegar meta á skilyrði um inntöku á umsækjendum í starfsnám.

3.0 Læknisfræðileg viðmið og matsreglur

Læknisfræðilegu viðmiðin eru unnin af mennta- og starfsþróunarsetri lögreglu í samræmi við ráðleggingar sérfræðilækna.

Viðmið og matsreglur eru sambærilegar við þær kröfur sem gerðar eru á hinum Norðurlöndunum. Kröfurnar eru endurskoðaðar árlega.

Vinnuvernd ehf. sér um að meta heilbrigði umsækjenda og veitir mennta- og starfsþróunarsetri lögreglu upplýsingar um hvort umsækjandi uppfylli heilbrigðiskröfur.

Ef ástæða er til að leggja frekara mat á umsækjanda kallar Vinnuvernd ehf. eftir frekari gögnum og fær sérfræðilækni í viðkomandi sérgrein til að leggja mat á þá heilsufarsþætti sem um ræðir.

Umsækjendur sem haldnir eru einhverjum þeirra sjúkdóma sem geta hindrað umsækjanda í starfsnámi eða haft áhrif á öryggi þeirrar sjálfra og annarra geta þurft að undirgangast einstaklingsbundið mat hjá sérfræðingi í þeirri sérgrein sem sjúkdómurinn fellur undir.

Umsækjendur sem ekki standast heilbrigðiskröfur fá sendan rökstuðning og geta óskað eftir öðru mati frá lækni sem MSL semur sérstaklega við.

3.1 Kröfur um heilbrigði

Umsækjandi skal vera andlega og líkamlega heilbrigður og standast læknisskoðun í samræmi við viðmið mennta- og starfsþróunarseturs lögreglu til að geta talist að fullu fær til að gegna starfi lögreglumanns. Sjá nánari útlitun í leiðbeiningum fyrir mat á heilbrigði umsækjenda vegna umsóknar um nám í lögreglufræðum fyrir verðandi lögreglumenn á [heimasíðu MSL](#)

4.0 Aðrar og nánari reglur um mat á umsækjenda

4.1 Tjáskipti

Hafi umsækjandi ekki gott vald á talmáli og getur ekki tjáð sig með skýrum og óyggjandi hætti getur það útilokað hann frá starfsnámi.

4.2 Fjárhagsstaða

Umsækjandi sem er með fjármál sín í óreiðu, t.d. er gjaldþrota eða er í óeðlilega miklum ábyrgðum eða skuldum getur búist við að hljóta ekki inngöngu í starfsnám.

4.3 Ökuréttindi

Í reglugerð nr. 221 frá árinu 2017 um mennta- og starfsþróunarsetur lögreglu segir í f lið að namar í starfsnámi skuli hafa gild ökuréttindi. Nauðsynlegt er að umsækjendur séu komnir með fullnaðarökuskírteini fyrir B-flokk þegar starfsnám hefst. Í reglugerð um ökuskírteini nr. 830/2011 segir m.a. að ökumaður ökutækis sem skráð er til neyðaraksturs skuli hafa fullnaðarskírteini fyrir B-flokk og gild ökuréttindi til að stjórna ökutækinu eftir því sem við á.

5.0 Ferill umsókna

5.1 Umsóknir

Diplómanám fyrir verðandi lögreglumenn er kennt við Háskólann á Akureyri í samvinnu við Mennta- og starfsþróunarsetur lögreglu (MSL), sótt er um námið með rafrænum skilríkjum í gegnum heimasíðu skólans. Almenn krafa er að umsækjendur þurfi að hafa lokið stúdentsprófi, lokaprófi frá framhaldsskóla á þriðja hæfniprepi, jafngildu erlendu prófi eða 60 ECTS einingum frá viðurkenndum háskóla. Umsækjendur þurfa að gefa heimild fyrir því að sótt verði gögn um þá úr sakaskrá ríkisins, leitað verði eftir upplýsingum hjá Credit info um fjárhagsstöðu og að viðkomandi sé tilbúinn undirgangast læknisskoðun ásamt því að trúnaðarlæknum MSL sé heimilt að leita upplýsinga um heilsufar viðkomandi, þ.m.t. úr Heilsugátt.

5.2 Úrvinnsla umsókna

Umsóknir eru skoðaðar og metnar af mennta- og starfsþróunarsetri lögreglu. Setrið í samráði við Háskólann á Akureyri tekur afstöðu til þess hverjir teljist uppfylla almenn skilyrði sem sett eru, s.s. aldur, menntun, kröfur um andlegt og líkamlegt heilbrigði o.fl. Standist umsækjandi ekki bakgrunnsathugun tilkynnir mennta- og starfsþróunarsetur honum um það ásamt upplýsingum um hvers vegna umsókn hans var hafnað.

Ákvörðun setursins um inntöku nema í starfsnám er endanleg sbr. 1. mgr. 38. gr. lögreglulaga 90/1996 með síðari breytingum.

6.0 Fyrri hluti inntökuprófa

Þeir umsækjendur sem staðist hafa skilyrði a og d-liðar 1. mgr. 38. gr. lögreglulaga, eru boðaðir í fyrri hluta inntökuprófa.

Prófað er í þreki en einnig er lagt fyrir umsækjendur sálfræðimat og skriflegt frásagnarverkefni.

Athuga skal að bakgrunnsskoðun og læknisskoðun, samkvæmt b og c-lið 1. mgr. 38. gr. lögreglulaga, fer fram á síðari stigum inntökufersilsins. Þetta þýðir að þó svo að umsækjandi sé boðaður í fyrri hluta inntökuprófa þá hefur bakgrunnsskoðun og heilsfarsmat ekki farið fram. Niðurstaða þeirra skoðana getur útilokað að viðkomandi komist lengra í umsóknarferlinu, verði hafnað um skólavist.

Brýnt er fyrir umsækjendum að kynna sér vel þau hæfisskilyrði sem gerð eru til umsækjenda áður en sótt er um í námið, sjá nánar <https://island.is/reglugerdir/nr/0221-2017> .

6.1 Þrekpróf

Þrekprófið skiptist í þrjá þætti: *hlaup, stöðvaæfingar og sund*. Um er að ræða æfingaröð þar sem reynir á snerpu, styrk, þol og sundkunnáttu umsækjanda.

Nánari upplýsingar um framkvæmd þrekprófa er að finna á heimasíðu MSL www.menntaseturlogreglu.is undir Lögreglufræði – Þrekpróf.

6.2 Sálfræðimat við inntöku á starfsnemum

Umsækjendur um starfsnám sem standast almenn skilyrði gangast undir sálfræðimat þar sem lagt er mat á persónuleika, minni, sálrænt ástand og samskipti. Athuganir þessar hafa verið notaðar víðs vegar um heim í inntökufarli á starfsnemum. Þau eru talin bæði áreiðanleg og réttmæt í þeim tilgangi.

6.3 Skriflegt frásagnarverkefni

Einn matsþáttur í inntöku nýnema í starfsnám er skriflegt frásagnarverkefni. Umsækjendur horfa á myndskaið sem þeir síðan rita 200-300 orða atvikalýsingu um. Við mat á frammistöðu er horft til málfars, stafsetningar og hvernig umsækjanda tekst til með að koma frá sér rituðum texta.

Nánari upplýsingar um framkvæmd frásagnarvekefnisins er að finna á heimasíðu MSL www.menntaseturlogreglu.is undir Lögreglufræði – Skriflegt frásagnarverkefni.

6.4 Um framkvæmd fyrri hluta inntökuprófa

Reikna má með að fyrri hluti inntökuprófa taki einn dag. Prófdagur hefst á 2000 metra hlaupi sem framkvæmt er í Elliðaárdal í Reykjavík nema annað sé ákveðið. Þá taka við stöðvaæfingar í íþróttastöðu MSL að Krókhálsi 5b og sundpróf í sundlaug á höfuðborgarsvæðinu. Ef umsækjandi stenst þær þrekröfur sem gerðar eru tekur við sálfræðipróf og skriflegt frásagnarverkefni en þessi þættir fara fram eftir hádegi sama dag, þ.e. að loknum þrekröfum.

6.5 Próftökutímabil

Umsækjendur velja sér próftökudag á próftökutímabili sem hefst í byrjun apríl 2025. Takmarkað framboð á sætum er í boði hvern prófdag. Sendur er út bókunartengill þar sem umsækjendur velja sér prófdag. Ef umsækjandi óskar eftir breytingu á áður völdum prófdegi er reynt að verða við því sé það mögulegt en prófdagar fyllast fljótt. Hver umsækjandi fær aðeins eitt tækifæri til að reyna við prófin. Hefji umsækjandi próf hefur hann nýtt próftökurétt sinn. Ekki er boðið upp á próf utan auglýsts próftökutímabils, sjá nánar á heimasíðu MSL.

6.6 Sjúkrapróf

Til þess að fá að þreyta sjúkrapróf skal tilkynna mennta- og starfsþróunarsetri lögreglu um veikindi eða meiðsli, áður en skipulagt próf viðkomandi umsækjanda hefst, sé það ekki gert missir viðkomandi rétt til sjúkraprófs. Tilkynning þess efnis skal berast á netfangið starfsnam@logreglan.is. Læknisvottorð, er staðfestir veikindi eða meiðsli, skal hafa borist mennta- og starfsþróunarsetri lögreglu á sama netfang eigi síðar en sjö dögum eftir áætlaðan prófdag.

7.0 Seinni hluti inntökuprófa

Þeir umsækjendur sem standast fyrri hluta inntökuprófa og bakgrunnsskoðun, sem fer fram að loknum fyrri hluta inntökuprófa, eru boðaðir í viðtal.

7.1 Viðtal

Viðtölin eru tekin af lögreglumönnum og sérfræðingum innan lögreglunnar sem hafa fengið þjálfun og fylgt er hálfstöðluðu viðtalsformi. Svör umsækjenda eru skráð á meðan viðtali stendur. Gefin er einkunn á skalanum 1-10 og þarf umsækjandi að lágmarki að ná 5 í einkunn í viðtalinu til að koma til greina í námið.

7.2 Gildistími inntökuprófa

Inntökupróf gilda ekki milli ára. Umsækjandi sem ekki fær inngöngu í lögreglufræðinámi fyrir verðandi lögreglumenn skal þreyta inntökupróf að nýju ákveði hann að sækja aftur um.

8.0 Inntaka á nemendum í lögreglufræðinám fyrir verðandi lögreglumenn

- Raða skal upp í hæfisaröð þeim umsækjendum er uppfylla framangreind hæfisskilyrði og standast inntökupróf, eftir fyrirfram skilgreindum matsþáttum.
- Gera skal ríkislögreglustjóra grein fyrir röðuninni og þeim forsendum sem hún byggir á.
- Ákvörðun MSL um inntöku á umsækjendum er endanleg sbr. 2. ml. 1. mgr. 38. gr. lögreglulaga nr. 90/1996.
- Hæfustu umsækjendum er boðið að hefja lögreglufræðinám fyrir verðandi lögreglumenn með tilkynningu í tölvupósti eða öðrum sannanlegum hætti.
- Þeir umsækjendur sem ekki fá inngöngu í starfsnám er einnig tilkynnt um það ásamt rökstuðningi, með þeim fyrirvara að ef einhver þekkist ekki boðið fái næsti umsækjandi á listanum inngöngu í starfsnám.

9.0 Atriði er liggja til grundvallar mati á umsækjendum

Ákvörðun um hvaða umsækjendum er veitt innganga í starfsnám byggist á heildarmati á ýmsum þáttum, hliðsjón er m.a. höfð af eftirfarandi gögnum:

Þrekprófi, sálfræðimati, skriflegu frásagnarverkefni, framkomu, hæfni í mannlegum samskiptum, sakavottorði og sakaferli, auk frammistöðu í viðtali og mati læknis.

9.1 Vægi matsþátta

Að loknu inntökufjerli er umsækjendum raðað upp eftir heildareinkunn. Sú einkunn tekur mið af þeim hæfniþáttum sem lagðir eru til grundvallar en hver þáttur hefur ákveðið vægi í heildarmati. Frammistaða í viðtali vegur mest í því mati.

10.0 Að loknu inntökufjerli

10.1 Að inntöku lokinni

Almenna reglan, skv. 15. gr. stjórnsýslulaga nr. 37/1993, er sú að umsækjandi á rétt á að kynna sér skjöl og önnur gögn er mál hans varða.

10.2 Almennt vinnulag

Vinnulag mennta- og starfsþróunarseturs lögreglu er þannig að fyrirspurnir um niðurstöður prófa og inntökufjerlið skal beint á netfangið starfsnam@logreglan.is en heimilt er að gefa umsækjendum svör um atriði er varða þeirra frammistöðu.

Mennta- og starfsþróunarsetur lögreglu svarar ekki öðrum en umsækjendum sjálfum eða fulltrúum þeirra sem hafa skriflegt umboð.

10.3 Athugasemdir

Ákvarðanir setursins um inntöku á nemum í starfsnám eru endanlegar skv. 1. mgr. 38. gr. lögreglulaga nr. 90/1996. Þær eru m.ö.o. ekki kærarlegar.

Athugasemdum vegna inntökufjerlis skal beina til mennta- og starfsþróunarseturs lögreglu í gegnum netfangið starfsnam@logreglan.is. Almenna reglan er sú að ákvörðun er ekki endurskoðuð nema ný gögn, sem geti breytt málum, hafi komið fram eða líkur eru á að gögn hafi verið rangt metin. Ef formlegar athugasemdir varða framkvæmd prófa, aðstöðu eða annað

Þess háttar, ber mennta- og starfsþróunarsetur lögreglu að fjalla um þær og tilkynna viðkomandi hver niðurstaðan hafi orðið.

10.4 Rökstuðningur

Umsækjandi sem fær ekki boð um starfsnám á rétt á rökstuðningi á þeirri ákvörðun setursins, sbr. 21. og 22. gr. stjórnslulaga nr. 37/1993.